



17256

Mag. St. Dr.


P

(Kobielskiego franc.); Mowa na pogrzebie
Najjaś. Monarchów Augusta II. Jana III.
Maryi Karoliny z Infanta wnuka miana
w Krakowie 15 Januarii.

PANEG. et VITAE

Polon. 4

№ 26.



24. MOWA
NA

Pogrzebie Nayiaśnieyszych

MONARCHOW:

AUGUSTA II.

JANA III.

MARY I
KAZIMIRY
Y

INFANTAWNKA

Miána w Krákwie 1734.

15. Ianuarij.

56.

Kobielski

Franciszek

BIBLIOTH. UNIV.



JAGELLONICAE

17256 I

C. R. BIBLIOTHECA



UNIV.

JAGELL.

CRACOVENSIS

DEDYKACYA
NAYIASNIEYSZEMU
FRANCISZKOWI
XAWEREMU
Krolewiczowi Polskiemu.

Dzieło Rąk Boskich, deliká-
tnie wychowanych Monár-
chow. Pobożne życie, śmierć
świętobliwą lubo w młodociáne,
Az już

inż iednak z pobożney Ro-
dzicow Institucyi po Berłá y Ko-
rony do Niebá wzniesione, oddá-
ię Ręce Twoie NAYIASNIEY-
SZY KROLEWICZU!

Przyimiy te kilká Liter,
ábys one czytáiąc, za czássem
poymuiąc, wielu Papieżow,
Cesárzow, Arcybiskupow,
Biskupow, Heroin Swiętych,
y Męczennikow Nayaśńiey-
śego Domu, Wysokie Ich
Cnoty, Wiekopomne czyny
naśladował.

Po Polsku mowię do Cie-
bie; dogadzáiąc Gieniuszowi
Twe

Twemu. Albowiem choć by
kto niewiedział, że Dom Twój
Najjaśniejszy przez dawne z
Iagellonow Indygenaty, albo
Polski iest; albo z Polskimi
Tronami tak ziednoczony, że
się od nich nierozni; lat mło-
dych Twoich Propensia to oczy-
wiście wydaie; że prawdzi-
wym Polakiem iestes, gdy
nie inaczej mówić, nie ina-
czej chodzic, tylko po Pol-
sku pragniesz.

Postępuj z láty wlatá
sędziwości, z cnoty w Cno-
tę doskonałości, ábyś dostá-
pił

pił Naywyższego Błogosławień-
stwa Boskiego , pomyslney
konsolácii y wszelkney szczę-
śliwości. Tego życzę y o to Pá-
nà Bogà prośę.

Wászey Krolewiczowskiej M.Ci.

Wierny Bogomodlcá y
nayniższy sługá
Autor Operis.

Heu mortales ludimur! fato-
rum rapidâ ludimur orbitâ, ca-
sibus stamus, ruinis erigimur,
fluunt suis tempestiva fata pe-
riculis, risus & gemitus alternô redeunt
chorô. Heri festus luxit dies, hodie fera-
lis lugetur strages. Hi eleuantur ad Thro-
num, Isti deprimuntur ad tumulos. Hi
Polono nascuntur Orbi; Isti moriuntur.
Hi stabiliuntur, Istorum stat magni No-
minis Vmbra.

Varſaviæ è ſinu Matris Reipublicæ, u-
nâ cum Magnis Collegis, non ſine gemi-
tu, Sereniſſimorum Horum ad custodiam,
ſacra Exuviarum acceptando Lipsana;
Verba mihi eripiebat dolor, nunc eadem

æter-

æternæ reddendo quieti, iterum ad lacry-
mas redire cogor, sed easdem idem retinet
dolor, vox tantum faucibus hæret, rigidumq;
mæsto pectori marmor inest. Siccine ad
sarcophagum Serenissimorum horum Mo-
narcharum, nihil non triste spectabitur?
Jamne Mortales ad umbras, nullam fausti o-
rem ominabimur lucem? minime. Pre-
tiosa in conspectu Domini Mors horum
Iustorum; Magnæ Animæ, Divinæ Maje-
stati assistunt, mæstis jucundiora patrocini-
a contra quævis adversa impetrare pol-
licentur.

Mala quæ patimur, eorum Authores
& fautores sumus, arma cudimus nobis
ipsis infligenda; docemur Nostrum mu-
gire Iuvencum.

Legem habemus: timere Deum & ama-
re, negligimus: Regem honorare omitti-
mus, sacerdotium spernimus, charitatem
non curamus, non frater à fratre, non ho-
spes ab hospite tutus.

Iustè feralibûs portentosum telis, ruinas
in

in Regna, luctus & lamenta in populos; ex
cataphractis syderum astris Cælum inten-
dit, arcum tetendit, & paravit illum, be-
neficis non mittit influentias.

Iustè ad motum superiorum sublunaria
sua negant officia, imò contra nos assur-
gere videntur elementa, à quibus alimen-
ta habere deberemus.

Fraudat laboriosam ager agricolæ ma-
num, non dat fructum terra tempore suo,
non omnis refert omnia tellus. Parum
est, quòd nobis inimicus ager, sed & à-
ér, ad nutum cui famulatur æther, quatit
urbes, sternit turre, diruit domos, urit
fyrus; devastat vineas vehemens turbo.
Quot elevationes Maris, Vrbes cum popu-
lis, populos cum Urbibus mergunt! vel
flumina beneficia minuunt! Illud in An-
cona, hoc in nostro probamus Vistula.
Procul hîc ab Ætna, procùl à Vesuvio su-
mus; scintillas tamen cineri suppositas do-
loso quàm sæpè experimur! Ex incidentia
Festorum dum Marcus in Paschate stabit

vix vanae observationi non datur locus.
Sed hæc imminentiâ mala non ego in sy-
dera, non in Zodiacum refero, plenam æ-
ternæ do Veritati fidem: surget Gens con-
tra Gentem, Regnum adversus Regnum,
terroresq; de Cælo & tempestates, pestilen-
tiæ & fames erunt; propter miseriam inopû,
& gemitum pauperum, propter injurias,
injustitias, contumelias & diversos dolos.
Hæccine sunt nostrorum Causa malorum?
hæccine sunt arma, quæ nostrô Nobis fe-
cimus malô? Novimus o! Bone Deus; quia
iniquè egimus, iniquitatem fecimus, no-
vimus quod in cunctis deliquimus, in cun-
ctis ut feriamur; ast tamen quis furor o
Cæli! quæ tanta inclementia vestra?

Ergone Vno premente Deo non feret
alter opem? ergone non est qui tela te-
lis, qui ponat pila minantibus pilis? Er-
gone non est, qui faciat bonum, non est
usq; ad unum. Macte me Hercule, macte
animô o! Polonia, est quod speremus ami-
ci, est qui stet, est qui oret pro Nobis, est
qui

qui offensa Irato opponat arma Deo,
Quorum hodie Ossa beata cernimus; Quo-
rum Corpora Christiana charitate vene-
ramur in terris, Eorum patrociniis prote-
gemur in Cælis.

Non ego clypeum Ajacis, non Her-
culis umbonem quæro, scutum IOAN-
NIS III. nobis tutamen est; Gladios
AVGVSTI ob Fidei ardorem, Elianos
censeo Enses, quibûs aderit in patrocini-
um.

Memini Tui IOANNES, & ad Tu-
um præclarè Ortum, ad Tuos vitæ totius
Heroicos Actus obstupesco. Hoc altum
Sanguinis, quod à Zolkievijs Coributhis,
Radzivilijs, Drusinis, Pilavijs, Daniele-
vijs ab Abavis & Atavis traxit; nullus
Oceanus æquare potest. Podoliæ imò to-
tius Poloniæ, non Iudææ Montana, in
Nativitate Nostri IOANNIS gaudebant,
pro Iordane, in Rubicone Magni Sangvi-
nis stetit Infans Magnus coram Domino.
Reptabat per scuta puer, inter Sceptra

B.

Regiæ

Regiæ Jagellonicæ Vniuersitatis Cracovi-
ensis antiquissimæ totius Lechiæ Parentis
scientiarum, Altricis Virtutum, ludens,
monstrabat seriò, quantus Rex futurus e-
rat. Dabrovio Professore ad victorias &
Coronas non vana auguria sumens. Le-
gibus Patriis animum dedit, rebus belli-
cis studuit, externum lustraturus Orbem
iuit; integris suis, quæsitis multis redijt:
Bellator, post signa ferens, post scipio,
Dux, Rex. Paludamentum ita induit; ut
Togam non deponeret. Prius sub Lau-
rus Victrices, quàm sub diademata tem-
pora flexit. Quò venit, quæ vidit, vicie
& fecit, non Carminis hæc sunt.

Quamdiu Viennensem Victoriæ Or-
bis in Annalibus leget, tamdiu I O A N-
NEM Austriæ Defensorem, Christianitatis
Tutorem cum Gloria Gentis Polonæ non
tacebit. Meruit Elogium à Christina Sve-
ciæ Regina: Non Poloniæ tantum, sed
mundo imperare dignus, si illum Cælum
nō uni tantum Monarchiæ destinasset. Vn-
diq;

diq; laudabilis IOANNES, inde maxime; quòd aliis Regnans; DEO servire nòrit. Semper pius; semper Religiosus Monarcha, barbaricis onustus Laureis ad æternam iturus Coronam; Actus Heroicos præmisit. Poplavium Episcopum Livoniæ & Piltinensem pijssimum, cujus memoria in Benedictionibus est; Scopovium Religiosissimum, ad Confessiones, ad Sacramenta Extremæ Vnctionis semper habuit, gravescente morbo plurimos Antistites sibi fecit adesse, sed tunc vel maxime; quando temporali vitæ desinebat esse.

Poscit MARIA CASIMIRA linguam in sua Elogia, sed majora longè sunt, quàm deprædicari queunt. Procul & de ultimis finibus pretium Ejus; in Fide stabilis, in pietate constans, plus Regno Cælesti quàm Terreno intenta fuit. Ad fundanda sanctuaria Capucinis, Monialibus Sanctissimi Sacramenti, Visitationis Beatissimæ Virginis Mariæ, in Arenis Mu-

B; fices

fices, ad Gratosam Divæ HEDVIGIS
in hac Basilica ornandam Crucem, Ma-
num suam apposuit, & Regio sumptu per-
fici curavit, ditavit, dotavit. Vrbs toti-
us orbis Roma audivit, vidit, & gavisa
est; quòd Regina in Superos tanta pie-
tatè ferebatur.

Ceryos in Stemmate gessit, sed ad
Fontem Aquarum viventium Ceryis cu-
currit celerior.

Recordor Tui A V G V S T E Serenissi-
me, & opprimor Tuorum Magnitudine
gestorum. Ab Altissimâ Regum, Cæsa-
rum, Ducum Genesi natus, parem ma-
joribus animum gessit, imò Major Ro-
mano Augusto factus, quia non solum
Magnus; sed & pius. Magnum dico,
quem enim Tuorum pro Religione &
Regione, pro Patria & in Patria gesto-
rum Magnitudo non obruet? Expalluit
Luna Otomanica ad Ejus Gladiorum
fulgorem, & nunquam desinet pallorem
ferre. Attrivit Ejus cornua & ad eclyp-
psim

psim coegit. Tauricanus Goliath agminibus militaribus impropere ad Podhaice, saxo in fronte percussus, nec amplius contra Principem Saxoniae ausus est erigere cristas. Camenecum quod longo tempore tumore occupaverat; ab ejus possessione vindicavit. Zwaniec, Stryi, Ká-luszá, Zbáraž, Trębowlia, Brzezány, Zoráwnia, aliaq; plurima Fortalitia & Vrbes è compedibus solvit, milliones Christianorum è captivitate dæmonis liberavit: Magnus, Curlandiam legibus Divinis propagavit, Regno assecuravit, Juventutem Polonam Civico & bellico exercitio applicuit. Magnus, amplissimo Senatu, Supremo Ministerio quidquid Augustum est, totum opus manuum Ejus est, totum annuntiat non solum magnum sed & pium. Pium; quia pacem populi innumeris potiore suis prætulit Triumphis. De Ipso potius dicendum est; quod de suo Plinius dixit Romano: compositis per Augustum bellis, populum, pax alta tenebat,

bat, terras freta coluere, feras sylvæ domu-
ere. Optimis fruebamur annis; sedebat
unusquisq; sub vite sua, & sub ficu sua,
absq; metu. Patrem, non Regem age-
bat; ut simul Pater esset, quoniam Ma-
gnus, quoniam pius. Pius nam piissi-
mam Monarcharum ad amussim adimple-
vit maximam: sit pius ad pœnas Prin-
ceps, ad præmia velox

Tanta lex Clementiæ in ore Ejus, ut
cum summis quibusvis, quos venerabatur
antiquitas, certare potuisset. Divina in-
stitutione formatus, audebat dicere: Di-
mitte nobis debita nostra; sicut & nos
dimittimus. Hæc efficiebat, ut nunquam
supplicem abjiceret, nunquam injurias &
offensiones vindicaret, imò pro injuriis
gratias referret, pro Crucifixoribus, pro
lapidantibus se orabat, quæ major extat
charitas quoniam Magnus, quoniam pi-
us. Pius maximè ob Fidem Catholicam,
quam in pectore gessit, cum applausu Or-
bis Christiani publicam fecit, tenerrimè
serva-

servavit, actibus meritoriis decoravit, Diffidentes in Fide, à publicis Functionibus lege lata, & executioni demandata, amovit. Hanc Sanctam Religionem ut ampliaret, in varias Regiones, Viros Religiosos, in Gentes distantes & differentes Nationes mitti curavit. Natalis soli Apostolus, verè Iagellonis ex stirpe natus. Thorunium mitius ore loqui docuit, justitiam colere monuit, & non temnere Divos.

Quodsi ita Divinum Honorem ac Fidem veram promovere voluit, zelum dilatandæ Fidei, & Gloriæ Magni DEI habuit: quodsi tanta Charitatis, Fidei, Spei & Clementiæ documenta dederit, dubitamusne; mansuetudinem, longanimitatem, fortitudinem, patientiam, aliasq; virtutes Eum non coluisse? An verò tanta cum animi Constantia, gravescente morbo fractus, & jam morti proximus, de vitæ hujus miserijs de maximis Salvatoris Nostri in Genus humanum Beneficiis disseruisset? an actus amoris & gratitudinis in Cru-

ce pendentī Christo exhibuisset? an tantū
copiosos lacrymarū fontes debita sua ex-
piando (: ut nemo nostrū sine vitio est :)
profudisset? An publicā fere Confessio-
nem fecisset? an Sacramentum Extremæ
Vnctionis tam humillimè & ardentè po-
stulasset? oculos manibus proprijs clausis-
set? mentem & animum ad Cælos eleva-
set? an deniq; Viaticum illud salutare
Corporis & Sanguinis Domini tanta cum
animi submissione, tanta cum inflamma-
tione cordis suscepisset? an toto vitæ suæ
tempore singulariūs, post illam gravem in
Bialystok infirmitatem, sacris pœnitentiæ
virtutibus sese exercuisset? An per varia vir-
tutū Officia, per frequentatos actus sese di-
sposuisset. Si totus cū Deo nō esset Vix ali-
cui contingit benè mori, & male vi-
vere. Nemo feliciter ad mortē pervenit: nisi
qui se ad eā benè diu disponit: benè vivere
necessè est, ut semel bene moriāre. Bene
vixit Noster AVGVSTVS: quia magna-
nimè, quia piè, quia inimicos dilexit,
bene

bene quoq; mortuus est. Bene JOAN-
NES, quia Gratiam quam in Nomine
portabat, opere curabat. Bene MARIA
CASIMIRA; quia exaltata interpretatur,
Optimè Infans PRINCEPS; quia Parvu-
lus. Si itaq; benè vixerunt, benè quoq;
mortui sunt: spes in Domino; quòd vi-
vant in æterna Beatitudine, quòd Beati-
fica fruantur visione. Cùm verò hic, ubi
variæ dantur perturbationes, tanti fuère
nostri amatores; dubitamusne ibi, ubi so-
la regnat Charitas, non fore nobis pro-
pitios Protectores?

Cùm tantùm gratiæ habuère Viatores,
nonne Comprehensores, validi erunt pro
nobis Oratores? Si verò Illis adhuc ali-
quid, aut æternæ invidet quieti, aut re-
tardat debiti; præstemus Illis, quod est Chri-
stianum, ad quod nos obligatio stringit:
præstabunt Illi, quod nobis necessarium
vident. Non cum Abraham egressi de
domo sua, & Cognatione sua, ut obli-
scentur nostri. Clausis mortalitatis ocu-
C 2

lis vident Divinitus indigentias nostras,
Continuerunt mortales aures, sed æter-
nis percipiunt verba oris nostri. Respon-
dent nobis servata Authoritate Majesta-
tum, uti viventes per Cancellarios, Re-
ferendarios, exanimés per me funebralem
Oratorem loqvuntur, & dicunt unum,
in quo stat omne verbum, Vale.

Vale o summa una Mater Ecclesia Ro-
mana! CLEMENTIS II. & GREGORII
V. Originis Saxonicae suffulta Saxis, nunc
sub Clementissimo Capite, Purpurato Sena-
tu, Patriarchali, Episcopali, totaq; Sæculari
ac Regulari Hierarchia militans, destructis
adversitatibus & erroribus universis, se-
cura DEO servias libertate, precantur.

Vale Augustissimè CAROLE, Valere
Imperatrices, pro congregatis in unione
Fidei armis & animis gratias agunt, exo-
ptantq; ut Regnum tuum, Regnum sit
omnium sæculorum, & Dominatio Tua in
generationem & generationem.

Vobis Throni Regij Successoribus, &
virtutum Hæredibus, valedicunt cum Sere-

missima Prole Magna Prosapiarū Vestrarū,
Qui in Vestra decora totum orbē & Cælum
trahitis; quia trinos Ortones, Henricos Im-
peratores, Sanctos Episcopos, & Martyres,
Dabrowcas, Hedvigēs, Cunegundas, Sa-
lomæas, portatis Nomina, sed non mi-
nora virtutum specimina. Habetis opti-
mos Duces, Sanctos, Doctores, Ductores,
ite de virtute in virtutem, de gradu in gradū;
ut omnigenæ Benedictionis possitis cū Sere-
nissima Prole adipisci gratiam. Regnate
felices; ut Pax à pietate Vestra cōcessa Chri-
stianorum fines, ab omni hoste faciat esse
securos.


Vale Patriæ Navis prævidenti-
bus & providentibus Naucleris, Stella Po-
lari ac Cynthia Duce, Tubis canenti-
bus; bonis avibus, Aquilarum, Cor-
vinorum, Iastrzębiorum, Iaxarum sub
signis, Abdancorum sub Literis, Colchū
pro vellere vade. Veliferi loco, sa-
lutifero Pilavæ Primatialis, utere ligno,
Pennis struthinis, Hastis pro remis,
Unicorniq; , Pogoniâ Pegaso ve-


lociori cursu, Sagittæ volanti assimilare
Capræ Ascîa securante, Fascia ligante,
Drusorum Fluento, od portum Turrium,
Nominatoris i pede fausto.

Cracie Vavel vale, antequam in Val-
le Iosaphat Coronas decoris Tui videat
omnis Caro, AVGVSTI Messëm ad glo-
riæ manipulos septidenti seu Divinissimi
Paracliti septidono Pontificis sui collige
Rastro. Palatina Ales Sauromatum fasces
latura per Orbem, sis Aquila Cælo pro-
xima, & Turres Civitatis gemmis ædifi-
centur.


Omnibus Regibus, Ducibus, & Prin-
cipibus, cunctoq; populo Christiano pro
ultimo Vale, hoc linqunt memoriale:
Fuimus, non sumus, estis non eritis, quia
statutum est omnibus mori. Ergo ora-
te pro nobis & providete Vobis, ut
sicut fuimus in una Societate, sic
fruamur felicissima æternitate
Viatores Dilectissimi Amē.




Sermonem hunc erudito labore Illustriss:
& Rndissimi Domini D. FRANCISCI in
Dmenin à Kobiele KOBIELSKI, Episco-
pi Antinopolitani, Suffraganei & Archidia-
coni Vladislaviē: Præp: Crac. Dec: Varſaviē:
&c. concinnatum, & rotundo de exedra in
Ecclesia Cathedrali Cracov: prolatum di-
ligenter legi & probavi: Vnde ut deterſâ
typi ſepiâ, quantocyûs in lucem publi-
cam prodeat, dignum cenſeo. Datum in
Collegio Majori 9. Calendas Februarij.
1734


M. MARTINVS WALESZYNSKI,
S.Th: Doct: & Profeſſ: Canonicus Cathedra-
lis Cracovien; Studij Gen. Vniuerſitatis
Cracovien: Procancell: & Rector Libro-
rum Diæc: Crac: Ordinarius Cenſor.

mppr:



BIBLIOTH. UNIV.



JAGELLONICAE

Biblioteka Jagiellońska



std:0027491

